



# SIUMUT

## INATSISARTUNI ILAASORTAATITAT / LANDSTINGSGRUPPEN

15. august 2009

UKA 2009/60

Inatsisartut suleriaasianni § 32 naapertorlugu aalajangiiffisassatut siunnersuut imattoq matumuuna saqqummiupparput:

**Meeqcanut ilaqtariinnullu siunnersusoqatigiinnik kingusinnerpaamik 2010-mi pilersitseqqullugit Naalakkersuisut peqquneqarnissaanik inatsisartut aalajangiiffisassatut siunnersuut.**

(Siumup inatsisartuni gruppia)

### **Tunngavilersuut:**

Ilaqtariit inuaqatigiinni qitiupput. Ilaqtariinneq susassareqatigiinnerlu pillugit nunatsinni ataatsimoortumik politikkamik nutaamik pilersitsisoqassaaq. Ilaqtariit tunngavissinneqassapput meeqqat inuunerminni aallartilluarsinnaaqquullugit, tamanna piviusunngortinneqassaaq Inatsisartut, Naalakkersuisut, kommunit, kattuffiit, angajoqqaat susasaqartullu tamaasa suleqatigiitsillugit siunnersusoqatigiinnik ataavartussanik pilersitsinikkut.

Meeqcanut akisussaaffeqartunut, angajoqqaajusunut inatsisitigut piumaffiginninneq ersarissarneqassaaq, angajoqqaajusugullu tamatta meeqqatta pitsasumik atugaqarlutik ineriartornissaat isumagissasaraarput. Ilaqtariinnut suliniutit annertusarneqassapput ilaatigut ilaqtariinnut højskolertitsisarnerit pilersinnerisigut. Tamatta suliarisariaqarparput ilaqtariinnut ilinniartitsisarnerit kommunini tamani periarfissiissutaanissaat Avannaani, Qeqqani, Kujataani, Tunumilu.

Ilaqtariit siunnersorneqarnissamik pisariaqartitsisut piaartumik ikorsiiffigineqartarnissaat sulissutigisariaqarparput. Taamaasiornikkut meeqcanik angerlarsimaffiup avataanut inissiisarneq aamma annikillisarneqarsinnaaqquullugu. Meeqcanimmi sumiginnaasarnerup akiorneqarnissaa inuaqatigiinni tamatta pisussaaqataaffigaarput.

Siumup anguniarpaa meeqqat, inuusuttullu qiimasut, peqqissut, tarnikkut timikkullu nukittuut kinaassutsiminnillu ilisarisimannittut pilersinnissaat.

Meeqquerivinni, Meeqqat atuarfianni, ilinniarfinnilu ilaqtariinnermut meeraqarnermullu tunngasut atuarfiup peqqinnissaqarfiullu akornanni aaqqissuussaasumik aalajangersimasumillu siunertaqtumik ingerlanneqartalernissaat anguniagassatut siunniunneqarpoq.

Meeqqat inuusuttullu angajoqqaaminnut utoqqartaminnullu attaveqarnerulernissaat anguniarlugu ilaqtariit peqqinnartumik inuusaaseqalernissaannik qaammarsarneqarlutillu piumaffigineqarne-rulissapput, isummersuinerillu ingerlaavartuunissaat kajumissaarutigineqarlnuni.

Meeqqat Inuusuttuaqqallu pisinnaatitaaffisa illersorneqarnissaat timalersorneqarluni isumagineqassaaq, inatsisitigullu nutarterinermi meeqqat inuusuttuaqqallu qitiutinneqarlutik pisariaqartitaallu sallitutinneqarlutik allannguinerit suliarineqassapput.

**Siumup Naalakkersuisut, Inatsisartut kommunillu peqatigalugit sulissutiginiarpaan ukiuni aalajangersimasuni meeqqat inuuusuttullu atugarisaasa tamakkiisumik pitsanngorsarne-qarnissaat, ima ilusilikamik:**

- Inatsisartut, Naalakkersuisut kommunillu piffissami 2009-2013-imut meeqqat inuuusuttullu atugarisaannik pitsanngorsaanialutik tunngavissanik immikkut suliaqassapput.
- Inatsisartut, Naalakkersuisut kommunillu ukiuni taakkunani suliniutissat piviusunngortinnissaannut suleriaasissaminut pilersarusiusapput siunertanullu aningaasaliissuteqartoqartarnissaa qulakkiissallugu.

**Aammalu, ilanngullugit suliassat makku taaneqassapput:**

1. Ilaqtariit meerartallit pitsaanerpaamik sullineqarnissaat anguniarlugu, meeqqerivinni meeqqanik sullisisut siunnersorteqalernissaat periarfissinnejassaaq, angajoqqaat qanumut suleqatigalugit.
2. Meeraaqquerivinni Meqqerivinilu tamani siunertat anguniakkallu ersarissut ingerlanneqassapput, taamatullu akisussaaffit pisussaaffillu ersarissut malinneqassallutik.
3. Meeqqerivinnik ingerlatsinermi nakkutilliineq Namminersornerullutik oqartussanit ingerlanneqartoq pitsanngorsarneqassaaq aaqqissuuteqqinnejarlunilu.
4. Meeqqanik sumiginnaasarneq akuerineqarsinnaanngitsoq akiorniarlugu pisortanit suliniutit ersarissut sakkortusisamik ingerlateqqinnejassapput, meeqqeriviit atuarfiillu tamaasa suleqatigalugit.
5. Meeqqat inuuusuttuaqqallu sakkortuumik tarnikkut suliassaalersimasut immikkut suliarineqarlutik ataqtigisumik isumagineqartalernissaat piaartumik pitsanngorsarneqassaaq, taamatullu immikkut ikiorneqarnissamik pisariaqartitsisut sullinneqarnerat pitsanngorsarneqassalluni susassaqartut tamaasa suleqatigalugit.
6. Meeqqanut akisussaaffeqartunut, angajoqqaajusunut inatsisitigut piumaffiginninneq ersarissarneqassaaq, angajoqqaajusugullu tamatta meeqqatta pitsaanerpaamik atugaqarnissaat siunertalarugu sulinissatsinnut immitsinnut piumaffiginerunissarput tamatta isumagissagipput Siumup kaammattuutigaa.
7. Meeqqanik inuuusuttunillu sullissivinnut tamanut taakkunailu sulisunut piumasaqaatitigut aalajangersakkat pisariaqartitamut naleqqussarnissaasa suliarineqarnissaai siunniunneqarpoq.

*Siumup anguniarpaa meeqqanik inuuusuttunillu qiimasumik toqqissisimasumillu peroriartortitsi-nissaq, isumassuisarnerup susassareqatigiinnerullu inuiaqatigiinni toqqammavittut inisseqqinnejarnissaannut innuttaasugut tamatta peqataanissarput Siumup kaammattuutigaa.*